

ЮРИДИК ШАХСЛАР ВА ЯККА ТАРИБДАГИ ТАДБИРКОРЛАРНИНГ БАНК ҲИСОВВАРАҒИГА ХИЗМАТ КЎРСАТИШГА ОММАВИЙ ОФЕРТА

Тошкент шаҳри, Миробод тумани, Тарас Шевченко кўчаси, 1-уй манзилида рўйхатдан ўган, СТИР: 206 942 764 (ОКЭД: 64190) бўлган, 2021 йил 25 декабрдаги 75-сонли лицензия асосида фаолият юритувчи Чет эл капитали иштирокидаги “Invest Finance Bank” акциядорлик тижорат банки (кейинги ўринларда Банк деб юритилади) барча юридик шахслар ёки якка тартибдаги тадбиркорларга Ўзбекистон Республикаси Фуқаролик кодексининг 367-моддаси ва 369-моддаси 2-қисмига мувофиқ ушбу оммавий офертада кўрсатилган шартларда қуйидаги банк ҳисовварағига хизмат кўрсатиш шартномасини (кейинги ўринларда Шартнома деб юритилади) тузишни таклиф қилади.

1. ШАРТНОМА ПРЕДМЕТИ

1.1. Мазкур Шартнома Мижознинг аризаси асосида тузилган бўлиб, банк ҳисовварағини (кейинчалик матнда “ҳисовбрақам”) очиш, ҳисовбрақамга тушадиган пул маблағларини қабул қилиш ва ҳисовлаш, ҳисовбрақамдан тегишли пул маблағларини ўтказиш ва тўлаш, касса хизматларини кўрсатиш ҳамда ҳисовбрақам бўйича бошқа амалиётларни Ўзбекистон Республикасининг амалдаги қонунчилигида кўзда тутилган тартибда амалга ошириш билан боғлиқ муносабатларни тартибга солиди.

1.2. Банк томонидан кўрсатиладиган кредитлаш, факторинг, молиявий лизинг, қимматли қоғозларни харид қилиш-сотиш, қимматли қоғозлар ҳисобини юритиш ва сақлаш, қимматли қоғозларни бошқариш, банкда қимматбаҳо буюмларни (ҳужжатлар, қимматли қоғозлар, қимматбаҳо металллар ва ҳ.к.) сақлаш, махсус хоналарни ёки улардаги пўлат сейфларни ҳужжатлар ва бошқа қимматбаҳо буюмларни сақлаш учун ижарага бериш, андеррайтинг, консалтинг, кафолат, кафилликларни тақдим этиш, Мижоздан эркин валюта маблағларини харид қилиш хизматлари учун ҳамда Банк томонидан халқаро банк амалиёти доирасида бошқа хизматларни тақдим этганлик учун фоиз ставкалари ва тарифлар миқдори алоҳида шартномалар билан тартибга солинади.

1.3. Мижознинг пул маблағларини жамғарма ва муддатли депозитларга жойлаштириш билан боғлиқ масалалар алоҳида шартномалар билан тартибга солинади.

1.4. Банк томонидан Интернет тармоғида ўзининг расмий веб-сайтида- www.infinbank.com эълон қилинган ёки жойлаштирилган ушбу ҳужжат оммавий оферта (банкнинг шартнома тузиш таклифи) ҳисовланиши асосида, Банк ва Мижоз ўртасидаги ушбу шартнома Мижоз Банк таклифини қабул қилган (акцептлаган) пайдан бошлаб тузилган ҳисовланади.

1.5. Мижознинг аризани имзолаш ҳамда тегишли тарифни танлаши бўйича хатти-ҳаракатлари ушбу таклифни акцептлаши (Мижознинг шартнома тузишга розилиги) ҳисовланади.

1. ТОМОНЛАРНИНГ МАЖБУРИЯТЛАРИ

2.1. Мазкур Шартномага мувофиқ банк қуйидаги мажбуриятларни ўз зиммасига олади:

2.1.1. Амалдаги қонунчилик доирасида Мижоз топшириғи бўйича ҳисов-китоб хизматларини кўрсатади, шунингдек Ўзбекистон Республикаси қонунчилигида кўзда тутилган бошқа ҳисов-касса амалиётларини амалга оширади. Хусусан:

а) тушган пул маблағларини Мижознинг ҳисовбрақамига, Банк томонидан пул маблағлари тушганлиги ҳақидаги тегишли электрон тўлов ҳужжати, чекнинг асл нусхаси ёки БТКдан фойдаланган ҳолда тузилган электрон ҳужжатлар олинишига қараб, ўша куннинг ўзида ёки кейинги иш кунидан кечиктирмасдан ўтказиш;

б) тегишли тўлов ҳужжати асосида Мижознинг ҳисовбрақамидан пул маблағларини ўтказиш ҳақидаги топширикни бажариш;

- в) амалдаги қонунчилик доирасида Мижознинг қарз мажбуриятлари бўйича тўлов талаблари ва инкасса топшириқларини бажариш;
- г) амалдаги қонунчилик ва Банкнинг ички ҳужжатларига мувофиқ Мижоздан нақд пул маблағларини қабул қилиш ва бериш;
- д) бошқа ҳисоб ва касса хизматларини кўрсатиш (Банк ва Мижоз ўртасида тузилган алоҳида шартномалар билан тартибга солинадиган амалиётлар бундан мустасно).
- 2.1.2. Ҳисобрақамдаги пул маблағларидан фойдаланганлик учун Банк Мижозга фоизлар тўламайди.
- 2.1.3. Мижознинг ҳисобрақамидан пул маблағларини ечиб олиш фақат Мижознинг топшириғи бўйича ёки унинг розилиғи билан ЎзРнинг амалдаги норматив ҳужжатиغا мувофиқ амалга оширилади (акцептсиз ва инкасса топшириғисиз тўлов талабномаси бундан мустасно). Мижоз ҳисобрақамида пул маблағлари бўлмаганида ёки улар етарли бўлмаганида, Банк тўлов ҳужжатининг тўланмаган суммасини қонунчиликда белгиланган тартибда 2-сонли картотекага ўтказди.
- 2.1.4. Мижозларга хизмат кўрсатиш жадвалида белгиланган вақтда Мижозга хизматлар кўрсатади, дам олиш ва байрам (иш куни ҳисобланмаган) кунлари бундан мустасно.
- 2.1.5. Мижоз топшириғи бўйича ҳисоб-китоб амалиётларини Ўзбекистон Республикаси ҳудудида ўрнатилган нақдсиз ҳисоб-китобларни ўтказиш қоидаларига қатъий мувофиқ равишда амалга оширади. Фақат Мижоз ва/ёки Мижоз томонидан вакил қилинган шахслар имзоларининг намуналари ва муҳрининг изи акс этган картада кўрсатилган шахслардан пул-ҳисоб ҳужжатларини бажариш учун қабул қилади.
- 2.1.6. Тўлов ҳужжатлари қабул қилинганда барча зарурий реквизитлар, имзолар ва бошқа ахборотларнинг тўғри расмийлаштирилганини текшириш, расмийлаштирилган тўлов ҳужжатининг ижросини тегишли тартибда у олинган кунда (агар тўлов ҳужжати амалиёт куни тугашидан камида 15 дақиқа олдин келиб тушган бўлса) ёки келгуси иш кунидан кечиктирмасдан (агар тўлов ҳужжати амалиёт куни тугагандан кейин ёки амалиёт куни тугашидан 15 дақиқадан камроқ вақт қолганда келиб тушган бўлса) таъминлаш.
- 2.1.7. Мижозни касса ҳужжатлари (нақд маблағларни киритиш учун аризалар бланклари ва бошқа зарур бланклар) билан таъминлайди.
- 2.1.8. Мижознинг топшириғи бўйича унга ёки унинг ишончнома бўйича фаолият кўрсатаётган вакилига ҳисобрақамдан кўчирмалар ва бошқа ҳужжатларни тақдим этади.
- 2.1.9. Банк сири ҳисобланган Мижоз ҳақидаги ахборот ва маълумотларнинг сир тутилишини кафолатлайди.
- 2.1.10. Мижоз ҳисобрақамидаги пул маблағларининг бутунлигини таъминлайди.
- 2.1.11. Банк томонидан Мижознинг банк ҳисобварағи бўйича амалиётлар тўхтатиб қўйилганда, банк амалиёт тўхтатилган санадан бошлаб кейинги иш кунидан кечиктирмаган ҳолда Мижозга унинг ҳисобварағига хизмат кўрсатиш тўхтатилганлиги ва унинг сабаблари юзасидан хабарнома (маълумотнома) юбориши шарт.

2.2. Мазкур Шартномага мувофиқ Мижоз қуйидаги мажбуриятларни ўз зиммасига олади:

- 2.2.1. Ҳисоб-китоб амалиётларини бажариши учун Банкка барча зарур ҳужжатларни тақдим этади.
- 2.2.2. Банкнинг иш жадвалига, тўлов ҳужжатларини ҳамда мазкур Шартнома предметига доир Банкнинг бошқа локал ҳужжатларини расмийлаштириш ва тақдим этиш тартибига амал қилади. Ўзбекистон Республикаси Марказий банкнинг амалдаги норматив ҳужжатлари талабларини бажаради.
- 2.2.3. Ҳар йили январь ойи давомида, янги ҳисобрақамларни очган мижозлар эса – кейинги ойдан кечиктирмасдан, банкка нақд пул тушумларини топшириш тартиби ва муддати ва банк кассасидан иш ҳақи ва унга тенглаштирилган тўловлар учун нақд пул олиш муддати бўйича ҳамда кун якунида ўз кассасида нақд пул қолдиғининг рухсат этилган лимитини белгилаш бўйича ҳисоб-китоблар ҳақидаги маълумотномани икки нусхада тўлдиради.

- 2.2.4. Ҳисобрақамда маблағлар мавжуд бўлганида, иш ҳақи, пенсия ва нафақаларни бериш бўйича тақвим жадвалига мувофиқ, Банкка нақд пул олиш учун пул чекини тақдим этиш ва олинган пул маблағларидан қатъий мақсади бўйича фойдаланади.
- 2.2.5. Тўловларни амалга ошириш мақсадларида ҳисобрақамда пул маблағларининг етарли ҳажмига эга бўлади.
- 2.2.6. Кўрсатилган Банк хизматлари учун тўловларни Банк Тарифларида кўзда тутилган тартибда амалга оширади.
- 2.2.7. Агар Банк Тарифлари мазкур Шартноманинг 3.1.11-бандига мувофиқ ўзгартирилган бўлса, Мижоз, улар жорий этилган пайтдан бошлаб, комиссия ҳақини ва янги Банк Тарифларида кўзда тутилган бошқа тўловларни тўлаш мажбуриятини олади.
- 2.2.8. Банкнинг талаби бўйича, чет эл давлатларининг субъектлари билан тузилган шартномаларга мувофиқ амалга оширилган экспорт-импорт ва бошқа амалиётлар ҳақидаги маълумотларни, шунингдек, зарурат бўлганида, ўз олдига қўйилган вазифаларни амалга ошириш учун, шу жумладан жиноий фаолиятдан олинган даромадалрни легаллаштиришга ва терроризмни молиялаштиришга ҳамда оммавий кирғин қуроли тарқалишини молиялаштиришга қарши курашиш тўғрисидаги қонунчиликда кўзда тутилган мажбуриятларни бажариш қисмида ҳам, Банкка зарур бўлган бошқа маълумотларни тақдим этади.
- 2.2.9. Ташкилий-ҳуқуқий шакли ўзгарган тақдирда, ушбу ўзгаришлар Банкни ҳақида 3 (уч) иш куни ичида, юридик манзили ўзгарган тақдирда – 5 (беш) иш куни давомида хабардор қилади. Бунда раҳбар ёки бош бухгалтер ўзгарганида, ушбу ўзгаришлар ҳақида Банкни ўша куннинг ўзида хабардор қилади ва банкка янги мансабдор шахсларни кўрсатган ҳолда, имзолар намуналари ва муҳр изи қўйилган варақчани тақдим этади.
- 2.2.10. Белгиланган муддатларда Банк кассасидан пул чеклари бўйича олинган ва депонентга ўтказилган нақд пул маблағларини Банк кассасига топширади.
- 2.2.11. Ўз кассасидаги нақд маблағларнинг келиш ва сарфланиш тартибига амал қилади, касса интизоми ҳамда лимитдан ташқари нақд маблағни Банкка топшириш тартибига амал қилади.
- 2.2.12. Мазкур Шартноманинг 3.1.4-бандига мувофиқ, Банк томонидан сўраладиган зарур ҳужжатларни тақдим этади, шунингдек зарурат бўлган тақдирда, шубҳали амалиётлар аниқланганида, Банкнинг биринчи талаби бўйича амалиётларнинг ўтказилиши қонунийлигини тасдиқловчи ҳужжатларни тақдим этади.
- 2.2.13. Ҳисобрақамда ҳисобот ойдан кейинги ой учун банк комиссиясини тўлашга етарли миқдорда минимал қолдиқ бўлишини таъминлайди.
- 2.2.14. Мижоз ушбу шартномага, банк тарифларига киритилган ўзгартиришлар ва (ёки) қўшимчалар тўғрисидаги маълумотлар мавжудлигини Банкнинг веб-сайтида текшириб бориши, бундай маълумотлар мавжуд бўлганда Хизмат кўрсатилишининг янги тартиби ва шартларини диққат билан ўрганиши шарт.
- 2.2.15. Томонлар мазкур Шартнома бўйича махфийликка амал қилиши ҳамда иккинчи томоннинг ёзма розилигисиз мазкур Шартнома бўйича маълумотларни тарқатмаслиги шарт, Ўзбекистон Республикаси қонунчилигида кўзда тутилган ҳолатлар бундан мустасно.

3. ТОМОНЛАРНИНГ ҲУҚУҚЛАРИ

3.1. Банк мазкур Шартномага мувофиқ қуйидаги ҳуқуқларга эга:

- 3.1.1. Ўзбекистон Республикасининг амалдаги қонунчилиги, ЎзР Марказий банкнинг норматив ҳужжатлари, Банкнинг локал ҳужжатларида белгиланган ҳисоб-китоблар тартиби бузилиши ҳамда Мижоз томонидан тўлов ҳужжатларини расмийлаштириш ва ўз вақтида тақдим этиш тартибининг бузилиши ҳолатлари аниқланганида, Банк амалиётлар ўтказилишини тўхтатиш бўйича чораларни кўради, яъни қонунчиликка зид бўлган тўловни ўтказишни рад этади ва унинг ўтказилишини тўхтатади;
- 3.1.2. Мижоз маблағларининг бутунлиги ва улардан эркин фойдаланишини кафолатлаган ҳолда, Мижознинг бўш маблағларидан ресурслар сифатида фойдаланади;
- 3.1.3. Қонунчиликда белгиланган тартибда Мижознинг розилигисиз (акцептсиз), шунингдек Ўзбекистон Республикаси қонунчилигида кўзда тутилган ва мижоз билан келишув бўйича бошқа

ҳолатлар унинг ҳисобрақамидан пул маблағларини – бюджетга ва бюджетдан ташқари фондларга мажбурий тўловларни ечиб олади;

3.1.4. Банк амалиётларини ўтказиш учун асос бўлиб хизмат қилган ҳужжатларнинг ҳақиқийлиги бўйича шубҳа пайдо бўлганида, амалиётни ўтказишни тўхтатади, бунда имзо қўйиш ҳуқуқига эга бўлган Мижознинг мансабдор шахсларини хабардор қилади. Мижоздан ўтказилаётган амалиётнинг қонунийлигини тасдиқловчи қўшимча ҳужжатларни талаб қилади.

3.1.5. Банк қуйидаги ҳолларда пул маблағлари ёки бошқа мулк билан амалиётларни амалга оширишни Мижозга рад этишга ҳақли:

- ўзи жойлашган манзил (почта манзили) бўйича юридик шахснинг ёки юридик шахс номидан ишончномасиз ҳаракат қилиш ҳуқуқига эга бўлган шахснинг бошқарув органи мавжуд бўлмаганида;

- аввалдан ҳақиқий бўлмаган ҳужжатлар тақдим этилганида ёки қонунчиликка мувофиқ сўралган ҳужжатлар тақдим этилмаганида;

- террорчилик ёки бошқа жиноий фаолиятда иштирок этиши ёки иштирок этганликда гумон борлиги ҳақида амалдаги қонунчиликка мувофиқ олинган маълумотлар мавжуд бўлганида;

- ҳисобрақамдаги пул маблағлари хатланганда ёки қонунчиликда кўзда тутилган ҳолатларда ҳисобрақам бўйича амалиётларни тўхтатиш.

Бунда, амалдаги қонунчиликка мувофиқ шахслар террорчилик фаолиятида ёки оммавий қирғин қуролини тарқатишда қатнашаётган ёки қатнашишда гумон қилинаётган шахслар рўйхатига кирганида, Банк Ўзбекистон Республикаси қонунчилигида ўрнатилган тартибда Мижознинг розилигисиз пул маблағлари ёки бошқа мулк билан амалиётларни музлатиш ва/ёки тўхтатиш (пул маблағларини ўтказиш бўйича амалиётлар бундан мустасно) ҳуқуқига эга.

Пул маблағлари ва бошқа мулк билан амалиётлар тўхтатилганида ва (ёки) музлатилганида, мижознинг топшириқлари асосида ҳисобрақамлардан пул маблағлари ечиб олинмайди, банкда сақланадиган мулк эса берилмайди.

3.1.6 Банк Ўзбекистон Республикаси қонунчилигида белгиланган тартибда, Мижознинг розилигисиз, бир томонлама тартибда, террорчилик фаолиятида ёки оммавий қирғин қуролини тарқатишда қатнашаётган ёки қатнашишда гумон қилинган шахслар рўйхатига (юридик ёки жисмоний шахс) киритилган шахснинг пул маблағлари ёки бошқа мулки бўйича амалиётларни тўхтатиш ва (ёки) музлатиш ҳуқуқига эга;

3.1.7. Қуйидаги ҳолатларда пул маблағлари ёки бошқа мулк билан амалиёт ҳам тўхтатилиши, пул маблағлари ёки бошқа мулк эса музлатилиши керак:

а) унинг иштирокчиларидан бири террорчилик фаолиятида ёки оммавий қирғин қуролини тарқатишда қатнашаётган ёки қатнашишда гумон қилинаётган шахслар рўйхатига киритилган шахснинг номидан ёки унинг топшириғи бўйича ҳаракат қилса;

б) террорчилик фаолиятида ёки оммавий қирғин қуролини тарқатишда қатнашаётган ёки қатнашишда гумон қилинаётган шахслар рўйхатига киритилган шахсга тўлиқ ёки қисман тегишли бўлган ҳамда амалиётни ўтказиш учун фойдаланилаётган пул маблағлари ёки бошқа мулк;

в) амалиёт иштирокчиси бўлган юридик шахс террорчилик фаолиятида ёки оммавий қирғин қуролини тарқатишда қатнашаётган ёки қатнашишда гумон қилинаётган шахслар рўйхатига киритилган жисмоний ёки юридик шахснинг мулкида ёки назорати остида бўлса. Пул маблағлари ва бошқа мулк билан амалиётлар тўхтатилган ва (ёки) музлатилган тақдирда мижознинг топшириғи асосида ҳисобрақамлардан пул маблағларини ечиб олиш амалга оширилмайди, банкда сақланаётган мулк эса берилмайди.

3.1.8. Мижознинг талаб қилиб олгунча асосий ҳисобрақамида 2-сонли катотека мавжуд бўлганида, Мижознинг бошқа банкларда очилган иккиламчи ва бошқа ҳисобрақамларидаги пул маблағлари Мижознинг асосий ҳисобрақамига ўтказилади (Ўзбекистон Республикасининг амалдаги қонунчилигига мувофиқ ушбу талаб тааллуқли бўлмаган ҳисобрақамлар бундан мустасно).

3.1.9. Банкнинг иш куни яқунланиб, баланс ҳисоботи тузилганидан кейин хатоликлар аниқланган тақдирда, Банк кейинги банк кунида Мижознинг розилигисиз унинг ҳисобрақамидан тесқари

бухгалтерлик тузатиш “проводка”сини амалга ошириш йўли билан нотўғри ҳисобланган тегишли суммани ечиб олади;

3.1.10. Мижознинг миллий валютадаги асосий ҳисобрақамида пул маблағлари етарли бўлмаган тақдирда ва унинг валюта ҳисобрақамида валюта маблағлари мавжуд бўлганида, бюджет ва бошқа қарздорликлар тўловларини ўз вақтида таъминлаш мақсадларида, ЎзР қонунчилигида ўрнатилган тартибда, Мижознинг розилигисиз, Мижознинг валюта маблағларини сотиш кунига белгиланган курс бўйича қарздорликни узиш учун зарур бўлган ҳажмда сотади.

3.1.11. Мижоз ушбу билан Банк тегишли маълумотларни Банк веб-сайтида камида 10 (ўн) календарь куни олдин жойлаштириш орқали мижозни аввалдан хабардор қилган ҳолда қуйидагиларни ўз ихтиёрига кўра ўзгартириши мумкинлигига розилик билдиради, жумладан:

- Банк Тарифларига ўзгартириш ва қўшимчалар киритиш: Банкка комиссия тўлаш ва Мижоз томонидан Хизмат кўрсатиш билан боғлиқ бошқа тўловларни амалга ошириш миқдори, тартиби ва шартларини ўзгартириш;
- Ушбу офертага ўзгартириш ва қўшимчалар киритиш.

3.1.12. Мижознинг ҳисоб рақамига акцептли тўлов талабномаси келиб тушиши (электрон шаклда ёки қўл билан) муносабати билан “Интернет банк” тизимида “flash-хабарнома” пайдо бўлганда, Мижоз Bankmail бўлимида ушбу тўлов талабномаси билан танишиш ва уни акцептлаш ёки акцептламаслик масаласини ҳал қилиш мажбуриятини олади. Агар Мижоз томонидан тўлов талабномасини акцептлашни рад қилиш тўғрисидаги рад қилиш сабаблари кўрсатилиши ва шахсий варақчада кўрсатилган шахслар томонидан имзоланиши (Тизим орқали юборган ҳолларда электрон рақамли имзо билан тасдиқланиши) мажбурий бўлган ёзма ёки электрон шаклдаги аризаси Банкка тақдим қилинган ҳолларда, тўлов талабномаси Мижоз томонидан умумий тартибда акцептланган ҳисобланади ва ва шундан сўнг тўлов амалга оширилади;

3.1.13. Мижоз ёки унинг операцияси санкция таъсир доирасига тушганда ёки тушиш хавфи мавжуд бўлганда, Банк операцияни ўрганиш мақсадида қўшимча маълумотларни сўраш, операция миқдорини чегаралаш, операцияни чеклаш (рад этиш) ёки амалга ошираётган операцияларни Мижознинг анкетасидаги профилига номувофиқ бўлган ҳолларда хизмат кўрсатишни рад этиш ва ушбу шартномани бир тамонлама бекор қилиш ҳуқуқига эга.

3.1.14. Мижозга ҳисобварақни очишда ҳамда ҳисобварақ орқали амалга оширилиши кўзда тутилган операция оқибатида Банкка нисбатан иқтисодий санкциялар қўлланиш хавфи мавжуд бўлган тақдирда, Банк Мижозга ҳисобварақ очиш ва операцияни амалга оширишни рад этишга ҳақли.

3.2. Мазкур Шартномага мувофиқ Мижоз қуйидаги ҳуқуқларга эга:

3.2.1. Амалдаги қонунчилик ва мазкур Шартнома шартларига мувофиқ ҳисобрақамдаги пул маблағларини эркин тасарруф қилиш;

3.2.2. Банкка ҳисоб-касса амалиётларини бажаришга топшириқ бериш, уларнинг ўз вақтида бажарилишини талаб қилиш, инкассо бўйича ҳисоб-китоблар ҳақида сўровлар бериш;

3.2.3. Ҳисобрақамда пул маблағлари мавжуд бўлганида ва улар бронлаб қўйилганида иш ҳақини тўлаш жадвалига биноан қонунчиликка мувофиқ нақд пул маблағларини олиш;

3.2.4. Банкка белгиланган жойга тушмаган пул маблағларини излаш, уларнинг қаердалигини аниқлаш ва қайтариш ҳақида илтимос билан мурожаат қилиш;

3.2.5. Ўзбекистон Республикаси банк қонунчилигига киритилган қўшимчалар ва ўзгаришлар бўйича ахборот олиш.

4. ЧЕТ ЭЛ ВАЛЮТАСINI ХАРИД ҚИЛИШ ВА СОТИШ БЎЙИЧА АМАЛИЁТЛАРНИ ЎТКАЗИШ ТАРТИБИ.

4.1. Мижоз учун биржадан ташқари валюта бозорида чет эл валютасини харид қилиш бўйича амалиётлар “Ўзбекистон Республикасида валюта операцияларини амалга ошириш Қоидалари” (Ўзбекистон Республикаси Адлия вазирлигида 2020 йил 31 августда 3281-сон билан рўйхатга олинган).

- 4.2. Мижознинг аризасига биноан Банк Мижозга чет эл валютасини харид қилиш учун маблағларни захиралаш мақсадида миллий валютада блок-ҳисоб ва махсус валюта ҳисобрақамларини очади, уларга валюта бозорида харид қилинган чет эл валютаси ўтказилади.
- 4.3. Мижоз биржадан ташқари валюта бозорида чет эл валютасини харид қилиш ва сотиш бўйича амалиётларни ўтказганлик учун белгиланган Банк тарифларига мувофиқ мукофот пулини тўлаш мажбуриятини олади.
- 4.4. Агар Мижоз томонидан чет эл валютасини олди-сотди битимлари бўйича ҳисоб-китоблар икки иш куни ичида амалга оширилмаса унда битим бекор қилинади ва бунда Мижоз Банкка курсдаги икки кунлик фарқни тўлаб бериш мажбуриятини олади.
- 4.5. Мижоз харид қилинган чет эл валютасидан, маблағлар Мижознинг махсус валюта ҳисобрақамига ўтказилган пайтдан бошлаб етти банк иш куни давомида мақсади бўйича фойдаланиши шарт. Мижоз томонидан харид қилинган, аммо маблағлар Мижознинг махсус валюта ҳисобрақамига ўтказилган пайтдан бошлаб етти банк иш куни ичида фойдаланилмаган чет эл валютаси, ҳеч қандай шартсиз Банкка қайта сотилади. Бунда чет эл валютасини қайта сотиш Банк томонидан акцептсиз тартибда сотув кунидаги курс бўйича амалга оширилади. Шунингдек олдин махсус валюта ҳисобрақамидан ечиб олинган ва фойдаланилмагани ёки қайтарилиши муносабати билан яна шу ҳисобрақамга келиб тушган валюта ҳам қайта сотилади.
- 4.6. Мазкур шартномада кўзда тутилмаган чет эл валютасини харид қилиш ва сотиш бўйича бошқа қолган барча масалаларда томонлар “Ўзбекистон Республикасида валюта операцияларини амалга ошириш Қоидалари” (Ўзбекистон Республикаси Адлия вазирлигида 2020 йил 31 августда 3281-сон билан рўйхатга олинган)га таянади.

5. БАНК СИРИ

- 5.1. Банк “Банк сири тўғрисида”ги Ўзбекистон Республикаси Қонунининг 3-моддасига мувофиқ, банк сирини ташкил қилувчи Мижоз ҳақидаги ахборот ва маълумотларнинг махфийлигини кафолатлайди.
- 5.2. Банк сирини ташкил қилувчи маълумотлар Банк томонидан Мижозга ёки унинг вакилига фақат уларнинг ёзма мурожаати бўйича тақдим этилиши мумкин.
- 5.3. Учинчи шахсларга банк сирини ташкил қилувчи Мижоз ҳақидаги ахборотни тақдим этишга фақат Ўзбекистон Республикасининг амалдаги қонунчилигида кўзда тутилган ҳолатларда йўл қўйилади.

6. БАНК ХИЗМАТЛАРИ УЧУН КОМИССИЯ ҲАҚИ ВА УНИ ТўЛАШ ТАРТИБИ

- 6.1. Банк хизматлари учун Мижоз ушбу шартноманинг ажралмас қисми бўлган ўзи танлаган воситачилик ҳақи тарифларига мувофиқ миқдорда ҳақ тўлайди. Тарифни танлаш Мижоз томонидан Банкка ёзма ариза бериш вақтида амалга оширилади. Мижоз Банк Тарифлари билан Банкнинг веб-сайтида ёки Банк филиали/банк хизмати маркази/бўлимида танишиши мумкин.
- 6.2. Банк томонидан кўрсатилган хизматлар учун комиссия суммаси Мижознинг ҳисобрақамидан унинг топшириғисиз (акцептсиз тартибда) ҳар ойда мемориал ордер билан ечиб олинади. Пакет қиймати Мижознинг топшириғисиз ҳисобрақамдан ҳар ойда, мемориал ордер билан, тортишувга ўрин қолдирмайдиган тартибда, биринчи банк иш кунида ечиб олинади. Мижоз томонидан 21-санадан ой якунигача бўлган даврда банк ҳисобрақами очилган тақдирда (шу жумладан, Мижознинг ўз кучини йўқотган тарифдан амалдаги хизматлар пакетига ўтиши) жорий ой учун пакет қиймати Мижоздан ундирилмайди.
- 6.3. Мижоз бир хизматлар пакетидан иккинчисига ўтганида, Банк томонидан пакетлар алмаштирилган тегишли ой учун хизматлар пакетларининг қийматлари орасидаги фарқ ундирилади.
- 6.4. Мижоз ҳисобрақамида Банк хизматлари учун қарздорликларни қоплашга пул маблағлари мавжуд бўлмаганида ёки улар етарли бўлмаганида, қарздорликнинг қопланмаган қисми, ЎзР Фуқаролик кодексининг 783-моддаси асосида акцептсиз тартибда тўлов талабномасини қўйиш йўли билан 2-сонли Картотекага жойлаштирилади.

6.5. Банк аввалги ой учун банкнинг хизматлар пакетига белгиланган тўловни амалга оширмаган ва/ёки 1 ой давомида ҳисоб рақамида ҳеч қандай пул айланмаларини бажармаган Мижозни ойлик тўлов кўзда тутилмаган бошқа пакетга ўтказиш ҳуқуқига эгадир.

7. ТОМОНЛАРНИНГ ЖАВОБГАРЛИГИ

7.1. Мазкур Шартномада белгиланган мажбуриятларнинг бузилиши учун Томонлар Ўзбекистон Республикасининг амалдаги қонунчилигига мувофиқ жавобгар бўлади.

7.2. Банкнинг жавобгарлиги:

7.2.1. Банк Мижознинг ҳисобрақами бўйича амалиётлар ўз вақтида ва тегишли тарзда амалга оширилиши учун жавобгар бўлади.

7.2.2. Банк банк сирини ташкил қилувчи Мижоз ҳақидаги маълумотларнинг ноқонуний ошкор этилиши учун жавобгар ҳисобланади.

7.2.3. Банк сирини ташкил қилувчи Мижоз ҳақидаги маълумотларнинг асоссиз ошкор этилиши учун Банк амалдаги қонунчиликка мувофиқ жавобгар бўлади.

7.2.4. Мижознинг ҳисобрақамларида маблағлар мавжуд бўлганида, Банк томонидан Мижозга иш ҳақини тўлаш ва қонунчиликда кўзда тутилган бошқа эҳтиёжларга нақд пул маблағлари ўз вақтида берилмаган тақдирда, Банк БХМнинг 50 % миқдоридан жарима тўлайди.

7.2.5. Мижознинг ҳисобварағига пул маблағларини киритиш ва ҳисобдан чиқариш бўйича қонун ҳужжатларида белгиланган тартибни бузганлиги учун (электрон тўловларни амалга ошириш ва нотўғри амалга оширилган электрон тўловларни қайтариш учун белгиланган муддат бузилганлиги бундан мустасно) Банк БХМнинг 1 баравари миқдоридан жарима тўлайди.

7.3. Мижознинг жавобгарлиги:

7.3.1. Ҳисобрақамдан кўчирма олинганидан сўнг Банкка 2 (икки) иш куни ичида Мижознинг ҳисобрақамига адашиб (нотўғри) тушган маблағларни қайтариш ҳақидаги тўлов топшириқномаси тақдим этилмаган тақдирда, Мижоз Банкка ҳар бир кечиктирилган кун учун адашиб тушган сумманинг 0,05% миқдоридан пеня тўлайди. Аммо ҳисобланган пенянинг умумий миқдори адашиб тушган сумманинг 50% дан ошмаслиги керак.

7.3.2. Мижоз ҳисобрақам бўйича амалга ошириладиган амалиётларнинг қонунийлиги учун жавобгар бўлади.

7.3.3. Мижоз Банкда олинган нақд пул маблағларининг ўз вақтида кассага кирим қилиниши, ушбу пул маблағларидан мақсадли фойдаланилиши ҳамда Ўзбекистон Республикасининг қонунчилигида белгиланган тартибда касса интизомига амал қилиниши учун жавобгар бўлади.

7.3.4. Мижоз Банкка ҳисоботларнинг ўз вақтида тақдим этилиши ва уларнинг ҳаққонийлиги учун жавобгар бўлади.

7.3.5. Мижоз Банкка тақдим этиладиган ҳужжатлардаги маълумотларнинг ҳаққонийлиги ва қонунийлиги учун жавобгар бўлади.

7.3.6. Ҳисобварақдан фойдаланган ҳолда банк операцияларини масофавий амалга оширишда Мижоз қуйидагилар ҳақида огоҳлантирилади:

- ноқонуний операцияларга аралашиб қолиш хавфи Мижознинг зиммасида эканлиги ҳақида;
- Мижоз ноқонуний операцияларга аралашиб қолган тақдирда, банк Ўзбекистон Республикасининг амалдаги қонунчилигига мувофиқ тегишли чоралар кўриши ҳақида.

8. БАНКНИ ЖАВОБГАРЛИКДАН ОЗОД ЭТИШ

8.1. Банк қуйидаги ҳолатларда шартнома бўйича мажбуриятларнинг бажарилмагани ёки қисман бажарилмагани учун жавобгарликдан озод этилади:

а) банклараро электрон тўловлар тизимидаги эҳтимолий бузилишларда;

б) Мижоз томонидан тўлов ҳужжатларини расмийлаштиришда йўл қўйилган камчиликлар натижасида Мижоз тўловлари кечиктирилганида;

в) ҳисобрақамдаги пул маблағлари ёки бошқа мулк музлатилган ва улар хатланганида ёки қонунчиликда кўзда тутилган ҳолатларда ҳисобрақам бўйича амалиётлар тўхтатилганида;

г) нақд пул олиш учун зарур бўлган тўлов ҳужжатлари ўз вақтида тақдим этилмаганида ёки тақдим этилган ҳужжатларда ноаниқликлар ва хатоликлар бўлган тақдирда;

д) Банкда Банкка боғлиқ бўлмаган сабабларга кўра шартнома бўйича ўз мажбуриятларини бажариш имкони бўлмаганида ёки бир Томон иккинчи Томон олдида жавобгар бўлмайдиган, Томонларнинг хоҳиш-иродасидан ва истакларидан ташқари юзага келган, олдиндан кўра билишнинг ёки оқилона усуллар билан йўл қўймасликнинг, шу жумладан давлат бошқаруви ва назорати органлари ҳамда Ўзбекистон Республикаси Марказий банки томонидан чекловчи-тақиқловчи характердаги ҳужжатлар/чораларни кўриш имкони бўлмаган форс-мажор ҳолатлари – сув тошқинлари, зилзилалар ва бошқа табиий офатлар, уруш, эпидемиялар ва эпизоотиялар юзага келганида ёки амалдаги қонун ҳужжатлари ёки уларга киритилган ўзгаришлар ўз кучини йўқотган деб тан олинishi натижасида юзага келган ҳолатларда.

е) Ўзбекистон Республикасининг амалдаги қонунчилигида белгиланган бошқа ҳолатларда.

9. АЛОҲИДА ШАРТЛАР

9.1. Мижоз ҳисобрақамдаги пул маблағларини мустақил равишда тасарруф этади. Банк Мижознинг пул маблағларидан ўз ихтиёрига кўра (қонунчиликда ва мазкур шартномада кўзда тутилган ҳолатлар бундан мустасно) фойдаланиш ва тасарруф этиш бўйича ҳуқуқларини чеклашга ҳақли эмас.

9.2. Мазкур Шартнома билан кўзда тутилмаган Банк ва Мижоз ўртасидаги муносабатлар Ўзбекистон Республикасининг амалдаги қонунчилиги билан ўрнатилган тартибда тартибга солинади.

9.3. Мижознинг ҳисобрақами бўйича амалиётларни ўтказиш тартиби иккала томон бажариши учун мажбурий бўлган Ўзбекистон Республикаси Марказий банкининг норматив-ҳуқуқий ҳужжатлари билан тартибга солинади.

10. ФОРС-МАЖОР ҲОЛАТЛАР

10.1. Томонларнинг ҳеч бири Томонларнинг хоҳиш-иродаси ва истакларидан ташқари юзага келган, олдиндан кўриб бўлмаган ва оқилона чоралар билан олдини олиб бўлмаган ҳолатлар, шу жумладан сув тошқинлари, ёнғинлар, зилзилалар ва бошқа табиий офатлар, уруш, эпидемиялар ва эпизоотиялар билан ёки амалдаги қонунчилик ҳужжатлари ёки уларга киритилган ўзгаришлар ўз кучини йўқотган деб тан олинishi натижасида юзага келган ҳолатлар билан шартланган шартнома бўйича мажбуриятларни бажармаганлик ёки қисман бажармаганлик учун бошқа Томон олдида жавобгар бўлмайди.

11. ШАРТНОМАНING АМАЛ ҚИЛИШ МУДДАТИ, УНИ ЎЗГАРТИРИШ ВА БЕКОР ҚИЛИШ ТАРТИБИ

11.1. Мазкур Шартнома имзоланган кундан бошлаб кучга киради, у номуайян муддатга тузилган ҳисобланади ва Мижознинг аризаси бўйича ёки Мижоз томонидан шартномавий мажбуриятлар бажарилмаганида Банк талаби бўйича чиқарилган суд қарори бўйича бекор қилингунга қадар амал қилади.

11.2. Мазкур Шартномага барча ўзгаришлар ва қўшимчалар фақат, агар улар ёзма шаклда бажарилган бўлса ва томонларнинг вакиллари тарафидан имзоланган бўлсагина кучга эга бўлади, тегишли томон иккинчи томонни ёзма равишда хабардор қилиш йўли билан 5 (беш) кун ичида хабардор қилиши керак бўладиган томонлардан бири тарафидан ўзининг юридик манзили ёки почта манзили, банк реквизитлари ва фирма номи ўзгарган ҳолатлар бундан мустасно. Бунда Банк Мижозни банк биносида, банк сайтида ёки оммавий ахборот воситалари орқали тегишли эълонни жойлаштириш йўли билан хабардор қилиш ҳуқуқига эга.

11.3. Мазкур Шартнома Мижоз томонидан унга кўрсатиладиган банк хизматлари билан боғлиқ барча тўловлар амалга оширилганидан кейин исталган пайтда белгиланган тартибда бекор қилиниши мумкин.

11.4. Мазкур Шартнома ЎзР қонунчилигида кўзда тутилган ҳолатларда Банк талаби бўйича суд томонидан бекор қилиниши мумкин.

11.5. Шартнома бекор қилинганидан кейин Банк ҳисобрақамни ёпади, Мижознинг аризасига, шунингдек ушбу шартноманинг 11.6.-бандида кўрсатилаган шартларга мувофиқ 7 (етти) иш кунидан кечиктирмасдан унга ҳисобрақамдаги пул маблағларининг қолдиғини беради ёки унинг топшириғи бўйича пул маблағларининг қолдиғини бошқа ҳисобрақамга ўтказди. Шартноманинг бекор қилиниши Мижоз ҳисобрақамининг ёпилиши учун асос бўлиб хизмат қилади. Агар Мижоз шартнома бекор қилинган кундан бошлаб 7 (етти) иш куни ичида пул маблағларини бошқа ҳисобрақамга ўтказиш ҳақида Банккаёзма кўрсатма бермаса, унда Банк Мижознинг ҳисобрақамидаги маблағлар қолдиғини 29842 ҳисобрақамга ўтказди.

11.6. Агар ушбу шартнома бўйича Мижозга иккиламчи ҳисобварақ шаклида талаб қилиб олингунча депозит ҳисобварағи очилган бўлса ва мазкур ҳисобварақда 6 (олти) ой мобайнида ҳеч қандай операциялар амалга оширилмаса ва унда пул маблағлари бўлмаса, Мижоз Банкка қўшимча хабарнома тақдим қилмаган ҳолда ушбу ҳисобварақни ёпиш бўйича топшириқ беради. Шу муносабат билан шартноманинг мазкур банди Мижознинг иккиламчи ҳисобварақни ёпиш бўйича аризаси деб тан олинади.

11.7. Мижоз ҳисобрақами унга тегишли бўлган қолган ҳисобрақамлар ёпилганидан кейин ёпилади.

12. ШАРТНОМАНИНГ БОШҚА ШАРТЛАРИ

12.1. Шартнома шартлари ва уларни бажариш бўйича келишмовчиликлар юзага келган тақдирда, келишмовчилик томонларнинг ўзаро келишувига биноан ҳал этилади.

12.2. Томонлар келишувга эришмаган низолар ва келишмовчиликлар Банк жойлашган манзил бўйича судда ҳал этилади.

12.3. Мазкур Шартнома тузилган пайтда Мижоз Банк Тарифлари билан танишиб чиққанлигини ва уларга розили эканлигини ҳамда уларни ўз мажбуриятлари эканлигини тасдиқлайди.

12.4. Мижоз ва бошқа шахслар ўртасидаги ўзаро ҳисоб-китоблар бўйича ўзаро эътирозлар Банк иштирокисиз кўриб чиқилади.

13. ТОМОНЛАРНИНГ ПОЧТА МАНЗИЛЛАРИ ВА РЕКВИЗИТЛАРИ

«Банк»

«Мижоз»

АТБ «INFINBANK»

Манзил: _____

Тел.: _____

х/р: _____

МФО _____

СТИР _____

ИФУТ _____

М.Ў.

Манзил: _____

Тел.: _____

х/р: _____

МФО _____

СТИР _____

ИФУТ _____

М.Ў.